

91

ADM. REV. PATRI
BERNARDINO ERETINO

Sacrae Theologiae Doctori Ordinis Seraphici
S. Francisci Min. Conu.

EMINENTISSIMI PRINCIPIS

CAROLI S.R.E. CARDINALIS

BARBERINI

THEOLOGO,

IOSEPHVS MARIA SVARESIVS

Episcopus Vassonensis S. P. D.

Adm. Reu. Pater



RETI, clarissimi Sabinorum oppidi, quod est in
Excellentissimi Principis Barberini ditione, anti-
qua monumenta perquisita litteris commendare
iamdudum cogitabam; iamque plurima conges-
seram vetustis è scriptoribus testimonia, qui Iu-
nonem Eretinam, frigidum annem Eretini agri, Figlinas Ereti-
nas, Valerij villam prope Eretum, Aedilem Ereti honore Italo
supinum iniquas heminas frangentem, Castra Nautij Romani
Consulis, & Sabinorum praelium ad Eretum celebrant; Titum Li-
uium, Virgilium, Strabonem, Tibullum, Valerium, Persium, Ser-
uium, Plinium, Fulgentium, Stephanum, Gobelinum etiam, qui
Pium II. ibi pernoctasse prodit, Volaterranum, Iouium, aliosque
peruolueram; & assurrexerat opus ad iustam molem; sed hoc coe-
ptum varij casus interruperunt. Utamen aliquod mei conatus
extet indicium, ad Te (decus Ereti maximum) quod erat à me
reperum perscribere constitui, atque adeo Ciuem Ereto, Tibiq;
popularem, Pontificem Romanum vindicare, quem ademerant
operæ in editione quoque repetita Ciaconij de Vit. Pontif. &
EREBO, non minus impie quam mendose atque imperite, tran-
scripserant.

Is est LANDVS, siue LANDO, Tammi filius. Teutonicum idioma nomina ista sapiunt: nam & *Tammus* Teutonicus in delicijs fuisse Othonis III. Augusti, narratur à Petro Damiani in Vita S. Romualdi c. 25. *Landi* verò, seu *Landonis* vox Teutonica vel Langobardica est pura puta, meminique me olim Anagninæ circum sedile marmoreum in S. Andreæ legisse Leoninum hunc versum

PRESVL HONORANDVS OPVS HOC DAT NOMINE LANDVS.

Antistitem autem Romanum *Landum* post Anastasij III. obitum anno à Partu Virg. DCCCCXIII. electum die VII. Idus Iunij, sedisse menses VI. dies XXXVI. seu XXVI. cessasseque illo demortuo Episcopatum diebus XXXVI. seu XXVI. & Ioannem X. illi fuisse suffectum Chronographi omnes consentiunt; nisi quod Hieronymus Rubeus in Hist. Rauenn. producit *Landi* vitam è diplomate ad annum à nato Christo DCCCCXIV. Romanum *Landum* asserunt Platina, Volaterranus, Philippus Bergomas, & Crantzius: ea quippe ætate qui locabantur in Sede S. Petri Præsules, ferè omnes erant in ipsa Vrbe orti; perque integrum sæculum & quod excurrit, è XXXVI. vix Galefimi duo; Constantinus nempe, atque Romanus; Portuensis vnus, videlicet Formosus; vnus Ardeatinus Leo V. & vnus Eretinus Landus, inter reliquos Romæ genitos peregrini, & externi Pontifices, quamuis haud procul Vrbe forent nati, enumerantur.

Landum profecto Eretinum euincunt Sanctus Antoninus, qui Sabinensem affirmat tom. 2. cap. 1. tit. 16. §. 15. Chronic. & ipse Ciaconius Sabinum patria Ereto è Canonico Regulari prouectum ad Pontificium Solium referens è Gulielmo Bibliothecario, & Gotthefredo, atque Martino. Mox etsi obscuram eius vitam innuat, ita vt Vincentius illum omiserit in Pontificum Catalogo, ipsius tamen auctoritate Berengarium & Rodulfum, Vidonis Comitis filios, ne decertarent, compressos atque sedatos memorat: at cum eum vixisse statuat Chunrado Cæsare Franco Imperium administrante, fœdas ibi subesse *ἀνιστορίας*, & *ἀχρεΐσμων*, Podalirium Machaônemque haud vulgarem exigere plane constat, nequè mihi nunc à libris imparato, & in procinctu, vacat detergere has maculas; sollicitet ea cura viros doctos, qui Ciaconium recudendum suscepunt,

92

perunt, quibus arrisit hæc mea expunctio *Erebi*, & substitutio *Ereti*; & vberius est otium persequendi è tenebris erutas, in quibus delitescunt, res gestas Landi Papæ, qui postea quam migrasset e vita v. Kalend. Ianuarias anno supra scripto DCCCCXIII. seu potius DCCCCXIV. vt è Rubeco prompsi, sepultus in S. Petri Basilica quiescit.

Mihi satis est *Landum* istum Pontificem Romanum Ereto restituisse, Tibique indicasse, qui præsentem in rem venire, illiusque natales altius indagare pro iure communis Patriæ facillimè potes. Sanè cum mos ab Vlyssæis vsque temporibus deductus (si credimus Homero) sit adhuc æuo nostro receptissimus, vt qui discedunt, ac peregre proficiscuntur, munera conseruandæ memoriæ causa benemeritis de se amicis offerant, quæ ~~munuscula~~ etiam Græci vocare solent, istud in hoc meo discessu Tibi munusculum, quod iucundum gratumq; fore confido, lubens meritò, Do, Dico, Addico, & bonæ scæuæ, bonique ominis gratia. Tu libenter excipe, meque absentem amare perge, tui ob pietatem, atque doctrinam, & alias virtutes, quibus præstas, perpetuum cultorem. Vale Tiburi prid. Kal. Nouemb. anno MDCLVII.

